

Aruba a yama bonbini na barco crucero Celebrity Ascent

'A commemora e prome bishita cu intercambio di plakkaat'

Aruba a duna un caluroso bonbini na Celebrity Ascent durante su yamada inaugural na waf di Oranjestad. E ocasion a conta cu un ceremonia special di intercambio di plakkaat abordo, uniendo asina lidernan di e barco crucero hunto cu representantenan di waf y turismo local.



aprecio mutuo entre Aruba y Celebrity Cruises.

Monica Bos.

Presente tabata Monica Bos – Cruise Manager di Aruba Tourism Authority, hunto cu Irvin Gil – Nautical Manager di Aruba Ports Authority, y representantenan di Port Agency Maduro & Sons oficialmente a obsekia Capitan Anastasios Kafetzis y su tripulacion un plakkaat como tradicion maritimo. E intercambio aki entre e oficialnan local y capitan di e barco crucero ta crea un laso fuerte y

“Nos isla ta ofrece un experiencia unico pa nos huespednan, y cu hopi placer nos ta comparti e bunitesa, cultura, y hospitalidad di Aruba cu e huespednan abordo. E bishita di Celebrity Ascent na nos isla sigur ta algo realmente special,” tabata palabranan di

Celebrity Ascent, e barco crucero di mas nobo di crucero Edge Series di Celebrity Cruises ta ofrece un experiencia luhoso y innovativo pa su pasaheronan. Conoci pa su diseño unico y cu facilidadnan di clase mundial, Ascent tin acomodacionan cu bista impresionante di lama, un



hardin captivante riba e dak, un dek amplio, y restaurant di luho presenta pa Chef di strea Michelin. Cu sostenibilidad central di su diseño, Celebrity Ascent ta ekipa cu tecnologianan ecologico cu ta sostene practicanan di crucero mas berde.

Cu yamada di bonbini na barco crucero Celebrity Ascent, Aruba ta reafirma su compromiso pa ofrece experiencianan inolvidabel pa su huespednan, y fortifica su posicion como un destinacion di primera clase den Caribe.

DIMAS a lansa “Self Payment Kiosk”



Recientemente, Minister demisionario di Husticia y Asuntonan Social, Sr. Rocco Tjon (MEP), tabata na departamento di DIMAS pa lansamento di e proyecto nobo di “Self Payment Kiosk,” caminda ta digitalisa procesonan pa mitiga cu erornan por wordo cometi y- alabes mehora e servicio cu ta

brinda na clientenan.

Segun un comunicado di gobierno, a introduci e proyecto aki, mirando cu e ta importante pa como gobierno y como un departamento gubernamental esta DIMAS, e servicio cu ta brinda ta uno bon. Na final di dia, ora bo brinda un bon servicio, e ta bira menos posibel pa como

organizacion bo ta suceptibel pa corrupcion.

E proyecto aki ta e prome fase, y lo sigui amplia pa asina mas tanto posibel procesonan por keda digitalisa, y di e forma ey ta brinda, no sola-

mente un miho servicio, pero e chens cu erornan ta ser cometi tambe ta bira menos.

Otro siman lo tin un ekipo di Hulanda na Aruba, y hunto cu e leiding di DIMAS lo bay

haci un auditoria di henter e organizacion, pa asina percura cu tur procesonan por ta eficiente y di e forma ey por sigui mehora e servicio cu ta brinda na henter nos comunidad.

Proceso Electoral di Comision Finanzas di Partidonan Politico

For di 1 januari 2021, e ley di Regulacion di Finanzas di Partido Politico (AB2020 no. 153) ta na vigor na Aruba. Comision di Finanzas kier a vocifera e reglanan cu ta aplica pa tur partido politico y candidatonan segun ley durante eleccion parlamentario di dia 6 di December 2024.

Presidente Sr. Rossi Marchena di Consejo Electoral ta fungi como presidente di Comision di Finanzas di Partido Politico (Comision di Finanzas) y ta encarga cu supervision di finanzas di tur partido politico y candidato. Pa prome biaha e comision den henter su constelacion lo supervisa e finanzas di tur partido y candidato durante e proceso di eleccion.

Obligacion pa Partidonan Politico y Candidatonan Registro di Donacion: Donacionnan mester ta registra for di 12 luna prome cu eleccion E Registracion ta inclui un

resumen di entrada y gasto di actividadnan di recaudacion di fondo

Entrega di Registro: E entrega di registracion y resumen ta dividi den dos periodo, E prome periodo a vence 22 di November 2024 y e di dos periodo ta vence 13 di December 2024.

Comision di Finanzas por solicita informacion adicional. Si NO cumpli cu e obligacionnan e comision por impone un multa.

Como donacion ta wordo considera placa ricibi, directo of indirecto, Producto of servicio ricibi cu tin balor, sin cu a paga of no a paga completamente.

E limite di donacion cu un persona, compania of organizacion por haci na un mesun partido politico ta maximo Afl. 30.000 y na un mesun candidato ta maximo Afl. 20.000. Donacion na mesun partido politico y na candidato(nan) di e mesun

partido politico no por surpasa e suma total di Afl. 50.000.

Comision di Finanzas Partidonan Politico lo publica un resumen di donacionnan haci riba nos website er.aw manera ley ta prescribi.

Ta fundamental cu tur e partidonan politico y candidatonan cu ta participa den e eleccion dia 6 di December 2024 ta na altura di nan obligacionnan y cu nan lo cumpli cu e obligacionnan aki pa garantisa transparencia.

Pa mas informacion, bishita e website oficial di Consejo Electoral Aruba na er.aw y sigui nan na Facebook y Instagram @consehoelectoralaruba. E plataforma nan lo sirbi como un recurso importante pa votadonan, candidatonan, partidonan politico y publico general, pa keda al dia cu anuncianan, fecha nan y guia relevante pa e eleccion di Aruba.



Ministro encarga cu Turismo & Salubridad ta anuncia cu entrante **29 november 2024** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **restaurantvergunning B** pa e parcela **Cura Cabai 139**. E permiso aki ta concerni e.o. benta di cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permiso menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.